

太上昇玄消災護命妙經頌序

鳥六

唐貞一先生司馬子微撰

天尊示見三界慈憫四生開眾妙之門救無極之苦是以垂文玄教曲奏妙音俾未聞者聞令未悟者悟此經者蓋太上玄元老君之所作也其旨也即妙性之本萬法之宗焉文雖簡略理實淵深一毛吞四海之彼巨黍納無鞅之眾神明莫測智識難詮不可以聲求不可以色見遠而無外近而無親追之不見其前伺之不來其後無上之上不可階而升也玄之又玄不可得而聞也混先天而不古歷浩劫以長存尊而無名貴而無位遠巡萬變倏忽無邊照耀則日月有虧覆載則乾坤不普隨機化導對境忘心訣疑網以入玄宗引輪迴而歸覺路散余一氣毓彼羣生失我則逝水以俄傾保我則後天而不老毀之者持巨蒂以掃蕪崙究之者類鴻鶴之飲滄海所以玄言莫暢聖道難彰縱有修行徒多讀誦朝聞夕死未見其人不揆斐然輒為頌云

太上昇玄消災護命妙經頌

太上本來真虛無中有神若能心解悟身

外更無身

爾時元始天尊

假名元始號元始虛無老心源是元始更

無無上道

在七寶林中五明宮內

七寶為林苑五明宮殿寬人身皆備有不

解向心觀

與無極聖眾俱

三世諸天聖相因一性宗一身無萬法萬

法一身同

放無極光明照無極世界

放出光明照無央世界中乾坤明表裏日

月覺朦朧

觀無極眾生受無極苦惱

妙觀無盡苦自性不能知妄想隨緣去何

時有出期

宛轉世間輪迴生死

生滅何時盡相因浩劫來似環蟻蟻轉如

穀碾塵埃

深浪愛河流吹欲海

誰言河海闊深淺尚能知愛欲情無底何

年有出時

沉滯聲色

水鳥及風林咸歸一法音如何顛倒性自

起萬般心

迷惑有無

虛無含有象有象復歸無心若明白了知

權呼有無

無空有空無色有色

無空空不空無色色不色若能知色空色

空皆自得

無無有無有有無有

有有兼無有無無及有無虛心能不動妙

道自來居

終始暗昧不能自明

如人入黑暗目覩又何曾若冥分明見須

憑浩劫燈

畢竟迷或

有相兼無相迷惑終不知未能明覺性安得決狐疑

天華告曰汝等眾生

衆生情行為迷夫道根源特謂宣宗旨教令入妙門

從不有中不無中無

物向無中有道從有裏無莫生無有見迷執自消除

不色中色不空中空

空色互相生相續如糾墨要知空色理自

莫分空色

非有為有非無為無

道性本虛無虛無亦假呼若生無有見終

杖法來拘

非色為色非空為空

不空是真空不色是真色空色便為真真

法何曾得

空即是空空無定空色即是色色無定色

是空及是色究竟總非干要認真空色迴

心向已觀

即色是空即空是色若能知空不空知色不色

空色空雙泯不須舉一隅色空無滯礙本

性自如如

名為照了始達妙音

妙音喻虛性虛心非妙音認他毫髮事難

得自由心

識無空法洞觀無礙

一心觀一切一切法皆同若能如斯解方

明智慧通

入衆妙門自然解悟

了悟性根源名為入妙門妙門方便法是

法勿留存

雜諸疑網不著空見

決破疑惑網有無都不干正心長自在如

準入雲盤

清靜六根斷除邪障

心靜六根清六根隨性行性能無著物邪

障那邊生

我故為汝說是妙經名曰護命

妙經無礙性權立妙經名故為衆生說今

教悟此經

濟度衆生隨身供養

一真度一切如瓶濟橫流真性隨身有勿

於身外求

傳教世間流通讀誦

傳教虛無理世間散布行誦經能萬過其

義自分明

即有飛天神王破邪金剛

真性號神王飛天無定方破邪能自外堅

固喻金剛

護法靈童救苦真人金精猛獸

靈童即正性無滌號真人威猛喻師子名

殊一法身

各百億萬衆俱來侍衛是經

諸天諸聖衆無一亦無二性不違彼流是

名真侍衛

隨所供養捍厄扶衰

語默及游息無生一念思忘形歸恍惚神

鬼不能窺

度一切衆生離諸染者

正法度邪法衆生見處偏若生無有見即

被染心田

爾時天尊即說偈曰

天尊重說偈直為指心源汲引迷惑者令

歸解脫門

視不見我聽不得聞

道非干視聽視聽轉生疑應物臨機用虛

心即可知

離種種邊名為妙道

心疑隨萬境隨境認心田道非有為有方

名離種種邊

太上昇玄消災護命妙經頌終

生天經頌解

起 然 子 頌

元始天尊

至高至大虛無祖 接引羣生萬法根

三十二天都教主 如如不動號為尊

說此生天

生天生地亦生人 四象三才有五行

無相無名天地始 有情有相物情宗

得道真經

深根固蒂始中心 復命歸根立本真

鍊就九陽金鼎出 慧光朗照遍乾坤

爾時元始天尊

泓濛混合未分源 似有如無恍惚間

至寂至虛含萬象 漸生五太立人天

在大羅天上玉京山中

大羅天上玉京山 曠朗無塵絕往還

覺悟剎那生靜境 迷情如隔萬重關

告諸仙曰吾今為汝略啓身心

虛無妙相身心啓 暫假凡軀主妙規

金口泄開天地奧 靈光射出混元機

明開道要

道要玄微非有無 無中生就有形軀

有中鍊出無形體 自在逍遙物外居

十方得道神仙皆從此經修行而通微奧

萬八千萬立妙玄 生天得道始修仙

愛河須仗舟船渡 到岸遺舟合自然

善男子善女人

天尊普化遍十方 男女無殊一體觀

大抵澄心崇至道 智慧凡聖總成仙

依憑齋戒是作津梁

洗心防患真齋戒 除情去慾是津梁

境滅心忘無垢滌 靈明何處不圓方

一切有為顯諸真露

色心未動本無為 朴散形生自有為

籍假養真真靈顯 莫因假物喪靈儀

體此法相乃可投持

方求魚兔免蹄筌 得免忘蹄魚亦然

乃可投持雖有相 有為無作越中邊

能屏衆緣永除染著

外行周圓託衆緣 莫將名利長根源